
БЕКТЕМИРНИНГ ГЕРМАНИЯДАГИ ҒАЛАБАСИ

Вилоятимиз спортчи ёшларининг жаҳон ареналарида улкан ютуқларни қўлга киритаётганлиги мамлакатимиз довуғини таратмоқда.

Германиянинг Гамбург шаҳрида бўлиб ўтган бокс бўйича жаҳон чемпионатида ҳам юртимизнинг кучли чарм қўлқоп усталари умумжамоа ҳисобида фахрли 2 ўринга сазовор бўлишди. Терма жамоа сафида вилоятимиз вакили, фурқатлик Бектемир Мелиқўзиев ҳам муваффақиятли қатнашиб, бронза медали соҳиби бўлганлиги қувонарлидир.

Таъкидлаш жоизки, Германияда ўтказилган жаҳон чемпионати бокс ишқибозларига унутилмас таассуротларни тортиқ этди. Ўзбекистон спортчилари ўз имкониятлари юқори эканлигини амалда кўрсатдилар. Битта олтин, иккита кумуш ва учта бронза медалларига сазовор бўлишди. Бектемир Мелиқўзиевнинг мурасасиз ўтказган беллашувлари нафақат мамлакатимиз, балки хорижлик мухлисларнинг ҳам диққат-эътиборига сазовор бўлди.

Вилоят ҳокими, Олий Мажлис Сенати аъзоси Шухрат Ғаниев спортчининг ютуғи билан яқинларини қутлаш мақсадида хонадонига ташриф буюрди. Фарғона фарзандининг муваффақияти мустақиллигимизнинг 26 йиллигига муносиб тухфа бўлганлигини таъкидлади. Ота-онасига эсдалик совғалари топширилди.

Ўғлим спортда эришган ютуқлари билан Ватанимиз ривожига ҳисса қўшаётганлигидан фахрланаман, – дейди Наврўза Сулаймонова. – Унинг чиқишларини отаси иккимиз ҳаяжон билан кузатиб борамиз. Доимо зафар қозонишини тилаб, дуо қиламиз. Маҳалламизда кимдир Бектемирга ўхшаши ёхуд шогирд бўлиши ҳақида сўз юритса, оналик меҳрим янада жўшиб кетади. Фарзандим камолидан чексиз шодланаман.

2017-09-12 11:31:04